

vedador. Come si li proveda. Et che à bon animo, e non dubita; è adunation di zente di sopra.

Di Cadore, si ave prima di sier Piero Gixi, capitano, di 22. Vol zente e artilarie; si dice, todeschi vien da quella banda.

Di sier Zorzi Corner, el cavalier, provedador zeneral, date a Bassan. Come, inteso la nova di Cadore, subito à mandato il signor Bortolo d' Alviano e le zente li va drio. *Etiani* lui provedador va drio, batando a Civald; et rimarà in vicentina sier Vicenzo Valier, provedador.

Di Udene, dil locotenente. De occurrentiis; et si provedi a la Patria. Si dice, todeschi verà da quella banda etc. Et si fazi uno provedador a Gradischa, dove è sier Zuan Alvise Venier, mandato per gran consejo.

Fu posto, per li savij, elezer *de præsenti* uno provedador a Gradischa con pena, con ducati 80 al mexe, et meni con si 5 cavalli, e vadi via damatina. E fo electo sier Zustignan Morexini, fo provedador in campo, *quondam* sier Marco, qual era a la villa a Carara im padoana. Et cussi vene, accettò et a di 28 parti.

Fu posto, le nave di Soria habino muda X di poi zonte. Presa.

Fu posto, per li consieri, che tutti quelli hanno robe e aver, di che condition si sia, di li Agustini dal banco, si debino andar a dar in nota, in termine di zorni 8, im pena di ducati 500, *dividendis ut in parte*. Ave tutto il consejo. È da saper, questi Agustini à malla fama; et li capi di creditori hano visto i libri: dieno dar ducati 113 milia; et hanno l'oro tochè ducati 65 milia, sì che, si pol dir, hanno voluto fallir con li danari d'altri. Sono in li Servi; et prima il suo era stà mandà via a Mantoa.

Fu posto, per li savij, far 500 cavali lizieri *immediate* per il colegio, et mandarli in Friul e dove bisogna. *Item*, il colegio habi libertà di far ogni provision etc., zente etc.

Electo provedador a Gradischa.

Sier Polo Valaresso, fo rector e provedador a Napoli di Romania, *quondam* sier Cabriel.

Sier Filippo Badoer, fo soracomito, *quondam* sier Zuan Cabriel.

Sier Lorenzo Loredan, fo soracomito, *quondam* sier Piero.

Sier Giacomo Michiel, fo auditor nuovo, *quondam* sier Biaxio.

Sier Zorzi Simitecolo, fo soracomito, *quondam* sier Zuanne.

Sier Pexaro da cha' da Pexaro, fo soracomito, *quondam* sier Francesco.

Sier Zuam Moro, fo soracomito, *quondam* sier Damian, *quondam* sier Zuan, procurator.

Sier Francesco Zigogna, è di la zonta, *quondam* sier Marcho. 155

Sier Antonio Bon, fo provedador in Albania, *quondam* sier Fantim.

Sier Giacomo Manolesso, fo provedador sora i stratioti in Dalmatia, *quondam* sier Orsato.

Sier Zuan Maria Malipiero, el grando, di sier Piero, *quondam* sier Marin.

Sier Marco Marcello, *quondam* sier Giacomo Antonio, el cavalier.

† Sier Zustignan Morexini, fo provedador in campo, *quondam* sier Marco.

Sier Nicolò Balbi, fo provedador a Brisigele, *quondam* sier Marco.

Sier Alexandro Pixani, fo provedador a Brisigele, *quondam* sier Marin.

Sier Pollo Contarini, fo provedador di stratioti, *quondam* sier Francesco.

Sier Andrea Dandolo, fu zudexe di petiziom, *quondam* sier Antonio, dottor.

Sier Hironimo Querini, fo di la zonta, *quondam* sier Andrea.

Sier Lorenzo Sagredo, fo castelam a Otranto, *quondam* sier Alban.

Sier Zuam Francesco Venier, fo sopracomito, *quondam* sier Moisè.

Sier Alvise da Canal, fo provedador dil castel di Corfù, *quondam* sier Luca.

Sier Francesco Pasqualigo, fo sopracomito, *quondam* sier Vetur.

Sier Valerio Marcello, fo di la zonta, *quondam* sier Giacomo Antonio, el cavalier.

Sier Marco Gradenigo, fo soracomito, *quondam* sier Zusto.

A di 26. La matina si ave certo, Cadore esser perso, et sier Piero Gixi, capitano, aversi reso a' todeschi.

Da poi disnar fo pregadi. Et leto le infrascripte letere:

Di Franza, da Burges, di 16. Dil zonzer li il re, et starà li alcuni zorni; vol aver scudi 500 milia per l'impresa, fa gran provision, verà in Italia, zoè a Milan, poi etc., *ut in litteris*.

Di Milan. O da conto; colouij e provisioni.

Di Civald, più letere, dil Dolfim, podestà et capitano, di 24. Et avisa dil perder di Cadore,